


Bartimeo shuti ñausa runamanda parlashca



Bartimeo shuti ñausa runamanda parlashca



Bartimeo shuti runami ñambi
culquita mañashpa tiyarca. Paica
ñausami carca.



Inditapash yuracunatapash na ricui usharcachu.



2



Gentecunatapash llamacunatapash na ricui usharcachu.

3



Shuj punllaca Bartimeoca tauca gentecuna yalinajujtami uyarca.



Shina uyashpami Bartimeoca, “¿Imata tucujun?” nishpa tapurca.




Chashna tapujpimi shuj runaca,
“Jesusmari shamujun,” nishpa
tigrachirca.



Chashna nijta Bartimeo uyashpaca,
“Jesusca ñucapaj ñavita alichita
ushangami,” nishpa shungullapi
parlarijurca.



Chaimi paica, “Jesús, ñucata
llaquihuayari,” nishpa
ninandapacha caparirca.



Shina caparijta Jesús uyashpami
ñausata paipaj ladoman
pushamuchun cacharca.



Bartimeo ña ladopi cajpimi Jesusca, “¿Imatata rurachun munangui?” nishpa tapurca.




Ñausaca Jesuspaj ñaupajpi cungurishpaca, “Mandaj taitalla, ñucapaj ñavita alichipai,” nishpami mañarca.



Shina nijpimi Jesusca Bartimeopaj ñavita paipaj maquihuan tacarishpa, “Ricui ushanguimi,” nirca.



Shina nijpimi Bartimeoca ñavi ali tucujpi inditapash yuracunatapash ricui usharca.



Shinallata gentecunatapash
llamacunatapash tucuitami ricui
usharca.



Chashna ali tucushcamandami
Bartimeoca ninandapacha
cushijushpa Taita Diostapash
alicachishpa Jesusta catirca.

el resumen en español de la historia en

Quichua de Imbabura

El ciego recobra la vista

Había un hombre ciego de nacimiento que se llamaba Bartimeo. Un día oyó que pasaba el Señor Jesús, y entonces esperó que él lo sanara.

Cuando Jesús estaba pasando, escuchó la súplica del ciego Bartimeo de modo que Jesús le tocó los ojos y él recobró la vista.

Bartimeo se alegró mucho al ver el sol, los árboles, los animales y a la gente, especialmente a Jesús.

(Esta historia es de Marcos 10:46-52)

Quichua rimaipi ñucanchi quilcashca libroacunaca caicunami:

- **Bartimeo shuti ñausa runamanda parlashca**
- **Juan huasichishca huasimanda**
- **Noé shuti runa yacupi huambuna jatun huasita rurashcamanda**
- **Imatapash umashpalla villaj Pedro shuti huambamanda**

Jipamanga shuj libroacunatapash quilcashunrami. Urapi tiyajuj direcciongunganaman rishpa, telefonocunapi cayashpa yachai ushanguimi. www.Quichua.net Internet direccionbipash cai libroacunata leyi ushanguimi.



Acuerdo Ministerial #0110

Calle Fulgencio Araujo N26-188
y Humberto Albornoz
(Sector de la Comuna)
Quito, Ecuador
Teléfono: 3203498, 09-5002825

www.Quichua.net
www.fedepi.org